

آبونه شرائطی : هریر ایچون  
سنه لکی (۲۷۵) آلتی آیلانی  
(۱۵۰) خارج ایچون سنه لکی  
۳۲۵ غروشدور .

نسخه سی ۵ غروشدور .  
ایکی نسخه برآراده  
(۱۰) غروشدور  
سنه لکی ۵۲ نسخه در .

اداره خانه : باب عالی جاده سنده  
رشید افندی خاتمه

اخطارات  
آبونه بدلی پشیندر .

مسلكه موافق آثار مع المنونیه  
قبول اولنور . درج ایدله ن  
یازیلر اعاده اولماز .

# الشیخ الاسلام

سنة ۱۳۳۰

ادرس تبدیلیه آریجه  
۵ غروش کوندرملیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونسی لازمدر

ممالک اجنبیه ایچون آبونه  
اولانلرک آدرستلرینک  
فرانسیزجه یازلسی رجا اولنور .

پاره کوندرلدیکی زمان نهیه  
دائر اولدینی ییلدیرلسی  
رجا اولنور

اتبعون اهدکم سبیل الرشاد

صاحب و مدیر  
اشرف ادیب

باش محرر  
محمد عاکف

والله یهدی من یشاء الی صراط مستقیم

جلد ۲۹

۱۹ تموز ۱۳۳۹

\* پنجشنبه \*

۴ ذی الحجه ۱۳۴۱

عدد ۵۴۶

## آنغلیقان کلیساسنه جواب

ترقیقات و تالیفات اسلامیه رئیس عالیسی شیخ عبدالعزیز جادرسه افندی مضمرنلری طرفندره تألیف بریورولرب شرعیه و لالت مبلدسی  
طرفندره آنغلیقانه کلیساسنه کوندرملرک اوزره آنقرده طبع اولونمقده اولده جوابلک مقدمه سیر:

۳

جانلری جزیره العربیه آتیوردی . چونکه جزیره العرب یکنه حریت  
وطنی ، دها طوغروسی بر فوضای اجتماعی دیاری ایدی .

جزیره العربیه مدنی و اجتماعی قوانین اولماسی یوزندن افراد  
آرده سنده متقبل ظلملر چوغاله رق بری بری اضرار ایدن کونا کون  
معامله لر میدان آلدینی کبی بودیدیشمه لک دوامی سبیلده مرحمت  
آزالمش ، تعاون اورته دن قالمش ، یورکر اصنامه فرمان برینه انسان  
بوغازلایه حق درجه لرده قانیلاشمشدی .

أوت ، قیزلری دیری دیری کومک ، ضرورت قورقوسیله اولاد  
اولدورمک خصوصنده کی مذهبلر مختلف اولقله برابر برعادت بالخاصه  
تمیم ، کنده و دیگر قبائل آرده سنده تا اسلامک ظهورینه قدر دوام  
ایتمشدی .

قادینک مرتبه سی اینه اینه بهام درکشی ، آلینوب صاتیلان  
جانسز متاع سویه سی بولمشدی .

بولنورده بیوع حصه ، بیوع ملامسه واردی که هر ایکسی ده  
اوقلرله اوپناتیلان قماردن باشقه برشی دکلدی . [۱]

[۱] دومة الجندل و شحرینا لرلنده .

بوملتجیلردن روما ، ایران ، بابل قانونلرینه وقوفی اولانلرده  
جزیره العرب خلقی منتظم برحیانه آیشدیرمق ، یاخود کندی ملتیرینک  
رفاهنه خدمت ایتمش قوانین و نظامات اجتماعی بولنره بکنندیروب  
قبول ایتمدیرمک جهتی هیچ دوشونمز لردی . بالعکس برلیرک ایچنه  
طاغیلقدن براز صوکره جاهلیت طوقانسه کومولور و فوضای محلی به  
طوتولور لردی . اونک ایچون علیه الصلوة والسلام افندیلرک زمان  
رسالتلرندره بولنرک حالی اجتماعی ، عدلی ، مدنی شئونلری اعتباریله  
قومشولری بولونان بت پرستلردن یک آز فرقلی ایدی . ذاتا چوقلرینک  
جزیره العرب ایچلرینه صیفینمسی یا زمان زمان یوردلرینی یا غمیه ویرن  
اقوامک ظلمندن قورتولوق ، یاخود اوجاقلرینک برکوشه سنده حضور  
قاب واطمئنان وجدان ایله اوطوره بیلیمک سعادتتی کندیلرینه حرام  
ایدن دینی تضییقلردن قاجق ایچوندی .

صوکره بوملتجیلرک آرده سنده اوآرهلر ایرانک اداره به ، رومانک  
کلیسایه عاند معهود نظاماتی یوزندن اشتراکی ، یاخود فوضوی  
افکاره طرفدار اولانلرده بولونیوردی . ایشته بویله لری ده ماللرینی ،



بونلرده قادین ارث ایله انتقال ایدر برمتاع ایدی . حق السنان اولان باباسنک قاریسنه ، یعنی اوکی آناسنه وارث اولوردی . بونلرده نیکاه استبضاع ، نیکاه خذلان ، نیکاح جمع ، نیکاح بدل واردی . بونلرده علنی فحش واردی .

بونلرده قمار واردی ؛ اویله قات قات ربا واردی که اولرده برکت براقاز ، عائله لری خراب ایدر براقیدری .

بونلر بیتیملرک مالی صومیق ، زنکیق قادینلری جبراً آلق واردی . بونلرده غول بیانی ، عتقا ، اوماجی ، هامه ۱۳ ، صفر ۱۴ کی شیلرله ادبی و تاریخی آثارک بیلدیردیکی دیگر بر سور و فاسد ، خرافی عقیده لر واردی .

حاصلی جزیره العربیده ظلملر ، شاعتلر ، خرافه لر ، سیاسی ، دینی فوضالر اودرجه بی بولمشدی که هرکس بو حاله مطلقاً برخاتم ویرملک لازم کلاچکنی حس ایدیوردی . لیکن مادام که ایچلرینه یهودیلکله نصرانیلک کی سهای دینلرک کیرمسی بیلر آرادکی تفرقلری ، فوضالری آرتیرمقدن باشقه بر نتیجه ویرمه مشدی ؛ آرتیق کیم قاله جوده فکری ، ادبی ، دینی ، اجتماعی ، سیاسی بوتون شونی اصلاحه صوک درجه ده عرض احتیاج ایدن بو اقوامک االدن طوته بیلر جکدی ؟ اوت ، زمان زمان مختلف قیلرلر ایچندن ظهور ایدن شاعرلرله خطیلردن بعضیلری فکر اصلاح اینه اورتیه چیقه رق نصرانیلک کندیلرینه تلقین ایستدیکی عمومی نصیحتلری ، اجمالی موعظه لری خاقه سوبیلورلردی . لیکن ضلال ایچنده کی نفسلری یوله کتیرمک ، رذیل عادتلری اورتیدن قالدیرمق خصوصنده بونلرک بک آز تاثیر اولیوردی .

ذاتاً ده مین صایدیغمز بیلردن باشقه تاریختک بیلدیردیکی کی آرتیق حیاتنک صوکنه یاقلاشان کسری وقیصر امپراطورلقلرینک نمندن صارصلیمسی وکرک بو حکومتلری ، کرک تابعیتلری آلتنده کی امتلری طوتان رکنارک ، رابطه لرک رخنه دار اولسی یوزندندرکه علیه الصلاة والسلام افندیمرک بعثلردن اولکی عصر بوتون اخلاقی واجتماعی خسته لقلرک ، تکمیل سیاسی فوضالرک صوک شدیلر حکم سوردیکی مستثنی بر دور ایدی . بونک ایچون جزیره العربیه قس بن ساعده ، عمرو بن کلثوم ، عید بن الابرص ، عدی بن زید ، لید بن ربیع ، زهیر بن سلمی کی فکر اصلاح ایله میدانر چیقن شاعرلر و خطیلر چوغالمشدی . نه فائده که محیطی کیرن عاتلر شاعرلرک قایه سیله ، خطیلرک سجیه لره صاووشوب کیده جک طاقدن دکلدی !

[۲] مشقربنا یرنده .

[۳] انتقامی آلینایان مقتولک روحی باقوشه تمثیل ایدرک «بکا صو ویرک» بکا صو ویرک « دییه ندا ایدرمش .

[۴] انسانک قازنه کیرر موهوم بر ییلان .

چوق اساسلی بر مداوانه احتیاج واردی . جزیره العربک یالکیز یریلری دکل ، قومشولری اولوبده جهالتده ، ظلمده ، فوضاده اونلره التحاق ایدن بوتون دیگر امتلر کندیلرینک ضلال ایچنده بونالمش بیلرینی یوله کتیرمک برمرشده ، فساد و ارمش روحلرینی تصفیه ایدر جک رهاکار بر مجده ، حاصلی ارککلرک قانی ، قیزلرک حیاتی باغیشلار ، عمومک معاملاتنه صلاح ویرز و افرادک بری برینه صالدرمسنه مانع اولور صورتده احکام و حدود اقامه ایدر جک برشارعه نه قدر محتاج ایسلر بصیرتلرینی آچه جق علمه ، سوبه لرینی یوکسته جک صرفان وادیه ، صوکره قادینلری اوعصر جاهلیتک ایجابی اوله رق دوشدیکی درکته مذلتدن چیقارمق برشریعتنه اوقدر احتیاجلری واردی .

بونلرکله برابر ده میندن بری سوبیلدیکم سوزلردن ، « قبل الام جزیره العربیه فضیلت نامنه برشی یوقدی » معناسی اکلایلماملی . عربلر اسیکدن بری برچوق مکارم اخلاق ایله ، برچوق یوکسک اوصاف ایله آکلمشدی . اوت ، کرم ، وفا ، ثبات ، حقوق صیانت ، عهد حرمت ، شهامت ، شجاعت کی سجیه لر بو قومک مخصوصا نندندی . آنجق هر بری باشلی باشنه برر فضیلت تشکیل ایدن بو وصفلر ده طبیعی حدودی کچیلن هر شی کی ضدینه انقلاب ایدردی . بونک ده سوبی خیرله شرک ، حکمتله عبثک حدفاصلی کوسترر اخلاقی دساتیر و تعالیمک یوقا نندن باشقه برشی دکلدی .

ایران ایله بلاد رومک رسالت محمدیه دوریده کی حالنه کلنجه بوتون حکم و نفوذ اولاکسری ایله قیصرک ، صوکره بونلری قوشادان سرای خلقی ایله بندکانک ، ده صوکره کوی اغاریلر اشرافک ؛ رده بویوک چقتلرکله اصحابی ایله رجال دینک آلتده ایدی . خالقک بالخاصه نجیز و چیقچی قسمی ایسه اکوب ییجیدیکی طوباق ایله اوطور براغک اوستنده کی دمیرباش حیوانانندن فرقلی دکل ایدی .

اوروپانتک اوزمانکی وضعیتی کوز اوکنه کتیرمک اولورسوق شوابکی مملکتدن ده مساعد اولمادیغی کوروز . چونکه غوتلرکی ، واندالرکی ، هونلر [جرمانلر] کی باربار اقوامک متوالی آقینلری یوزندن میدانده مآثر عمران نامنه برشی قالمامشدی . روما مدینتک بوتون آبدلرینی سوکوب سوکوب آتمشلردی . بونک ایچون خصوصیه رومانک سقوطدن صوکره لرینه ، بشنچی قرن میلادینک اورتلرینه طوغرو خلق صوک درجه ده بایشان ایدی . هله پاپالردن بر طاقیمک بکده آز سورمه ی بر زمان طرفنده روحانی ، جسمانی ، هر ایکی سلطنتی نفسلریده جمع ایتسی میدانده کی فلاکتی تحمللرک فوقه چیقارمشدی .

اوروپاده کی انسانلر بویوزدن صوک درجه ده بدبخت ایدی . خلق



قارنلریمز قولایجه اکلایه بیلہ جکدر . و کوروله جکدر که ادیان شرکی کوکندن قوباره حق و بشرتی عصر لرجه تعذیب ایدن ظلملره ، فوضالره خاتمہ چکه جک بر صاحب ظهوره ؛ دنیایه عائد معامله لرندہ افرادک بری برینه صالدر مامسنی قافل حدود واحکام وضع ایدہ جک برشارعه ؛ بوتون و اجتماعی دردلره ، بو اخلاقی خسته لقلره چاره ساز اوله جق بر حکیمه ؛ حاصلی مکارم اخلاقی بوکسلا تمکله برابر انسانی حیات فانیه و ثانیه سنده مسعود ایدن رضای رحمانی موجب حسنات اعماله ارشاد ایدہ جک بر نجیہ او دورک کوستردیکی احتیاجی بشریت دیگرادوارینک هیچ برنده بو قدر شدیلہ کوسترمه مشدی .

ایشته بویله صاحب ظهور بر مصلحتک قدومنی کورده بیلیمک امیدیلہ ایدی که جهل درت طرفه دونیور ، بویونلر متصل اوزانیور ، کوزلر طور مایوب آفاق امکانی آراشدیریوردی . نهایت خلاق رحیمک بو آواره بشر حقنده کی مرحمت ازلیه سی جوشه کلدی : السوکیلی قوی محمد به عبدالمطلبی دین مبینیلہ تأیید ایدہ رک رحمة للعالمین کوندردی . او رسول معظم که بوتون مجاهداتنده روح القدسله مؤیددی ؛ وظیفه رسالتک حقیله ادا سنده هیچ یبلغینلق کوسترمدی . سعی ، فتور یوزی کورمدی . ایمانی ، یأس ندر بیلمدی . قومک درلو اذالری ، درلو جفالری اورسول مجاهدک عزمنی بر آن ایچون اولسون صار صهادی . بالعکس ضلاله صابمنس فکرلری صلاحه کتیر ، آرزغینلق ایدناری بوله یاتیر ، چیفرندن چیقمش اخلاقی طوغرولتور ، کوتو عادتلری سوکر آتار ، اجتماعی معاملات ایچون الکتین احکامی تبلیغ ایدردی . حاصلی بشرک صلاحی ، سعادتنی تأمین اوغورنده یکریمی اوچ بیل کیجه لی کوندوزلی اوغراشدی . بو دورک ختامنده ایدی که آرتیق وظیفه سنی ادا ایتش بولونیوردی ، مکدن ناسه وداع خطبه سنی او قویهرق دین مبینک کالہ ایردیکنی ، امتی حقنده نعمت الهیه نک تمامیلہ رایکان اولدیغنی بوتون کاشانه قارشنی اعلان ایتدی .

## مسلمانلق

مانع زنی دکل ، ضامن زنیدر .

آمریکا کنجلیته ویریلک اوزره اوراده کی مسلمان طلبه مرک زجالی اوزرینه متفکرین علمای اسلامیه دن المالولی حدی افندی حضرتلری طرفندن تحریر اولنوب آمریکایه کوندریلن قونفرانسیک مابمیدر :

بو بحثی طبعی بوراده اوزاته مایز ، آنجق شئونات طبعیه نک طرز جریانته و قدرت الهیه نک وسعت بی پایانه افطراً برنشأت ثانیه تصوری سهل الامکان اولدیغنی سویلکه اکتفا ایدہ جکدر . لکن بزم ایچون بو امکان تصوری کافی دکدر . بر انسان قلبنده نشوؤ بقای دویه بیلیمک

زادکاک ، شووال لریک ، کایسار جالک آندہ ، باربار لریک قرالری آره نده جانسز متاع کی ، دیاسز حیوان کی تداول ایدردی . بونلر یا آلنیر ، صاتیلیر کوله اولوردی ؛ پاخود کوله دن فرقی صایلیمامقدن عسارت خدمتکارلر صیره سته کیرردی . بونکله برابر اقدیلرینه ، بویوکلرینه باغلی اولق خصوصنده بوتون خلق بری برینک عینی ایدی . اطاعت خارجه چیقمق ، هیچ برامره قارشنی عصیانده بولونمق خاطره کلدیکی کی کیمسه یه اقدیسنی انتخاب حق ویرلمش دکلدی . شو قدر که بعض باربار مملکتلرندہ ایلمک اقدیلرینه معین برفیة نجات ویرمک شرطیلہ دیگر قاپولره قابولانه بیلیمک حتی بو خدمتکار طبقه سته بخش ایدیلشدی . سوکره باشنده کی آمرلره آغیر آغیر ویرکیلر اودومدکجه هیچ بر فرد ایچون طوبراق کی ، عقار کی شیلره صاحب اولق ، پاخود توارث ایتک امکانی یوقدی . بوندن باشقه کلیسایه عشرتی ، حاکمه یاری عشرتی ، دیگرلرینه عائد اولان صهرلری ویرمده دن کیمسه یتشدیردیکی محصولدن انتفاع ایدہ مزدی . کیمسه اذن آلمق سزین اقدیسنک اوندن آریله مازدی . خدمتکار طبقه سیله جفتجیلر دوکونلرده ، یورطولرده اقدیلرینه ایجاب ایدن هدیالری ویرمه یه مجبور ایدیلر . قیزی اوله دیرنلر زفافدن اول مطلقا بولوندینی محکک بویوکنه تقدیم ایدہ جکدی . چوق دفعه لر شلک بویوک قاتولیک دینک ارکانندن بری ظهور ایدردی . لکن کلیساک رهبانیت خصوصنده کی اوامری بو رذیل باربار عادتک بخش ایتدیکی بهیمی بر حق استیفادن اونی هیچده آلیقویمازدی .

ایشته شوصاید قلمز او عصرده کوله اولمان طبقه یه قارشنی کوستریلان مساعدله لردی . کوله لره کلنجه ییچاردلرک حالی بیلک قات دها بدر ، حیاتی بیلک قات دها سفیل ایدی . ۱]

ایشته قرون وسطی دینان بوقارا کلق دورلرده مظالمک ، فجایعک او قدر قورقونج اشکالنه مراجعت اولوندی ؛ سوکره انکیزیسیون محکمه لرله امرانک ، زادکاک او مدھش استبدادی یوزندن اوبله حوصله یه صیغماز فلاکتلر میدان آلدی که او بر قاج عصر ظرفنده بوتون اوروپا قطعہ سی اذالیتک جهنمی ؛ فکره ، ناطقه نک ، حرکتک اسارتکاهی کسیلدی . شاید اوروپالیر سوکرلری بری بری تعقیب ایدن او قاتلی انقلابلره بشرک حقوقی تثبیت ایتش اولماسه ییدی بز بویکون اوروپایی بولوندینی حالده کورده بیلہ جک دکل ایدک .

آرتیق جزیره العربک ، ایرانک ، بلادرومک ، حتی بوتون اوروپانک نه درلو فجعتلر ایچنده بونالیدیغنی ، نه کی شدائد آره سنده قالدیدیغنی ، سوکره دینده ، اخلاقده ، حیات اجتماعی نک بوتون اقسامنده ناصیل بر فوضایه طوتولیدیغنی تاریخی اوله رق صیره لدیغمز حقیقتلرک دلالتیلہ ۱] تاریخ عمومینک قرون وسطاده کی مظالمی حکایه ایدن فصلنه مراجعت .